



REPUBLIC OF KENYA  
MINISTRY OF EDUCATION

# KITUBHETA MBARE YA KIRAMKU

Tukuloshe kihetu

## GIREDI YA KUBHOKA Kitamo cha Mlosha.



© KENYA INSTITUTE OF CURRICULUM DEVELOPMENT

Haki jose jioke ni mbiso. Hesina kitamo chochose cha ii ndima kikundikane kifume shighati. Kubhetia bhiiya bhya kitekinolojia, mhaka uingwe ngalo kubhetia na kitamo ni bharechapa.

First Published 2023

© Kenya Institute of Curriculum Development

ISBN NO: 978-9914-43-246-6

Kitamiwe na kuchapwa ni Kenya Institute of Curriculum Development

P O Box30231- 00100

NAIROBI – KENYA

Simu: (020) 3749900-9, 3747994

Fax: 254 (020) 3639130

E-mail: [info@kie.ac.ke](mailto:info@kie.ac.ke)

## FOREWORD

The Kenya Institute of Curriculum Development (KICD) is mandated to advise the Government of Kenya (GoK) on matters pertaining to curriculum development. One of KICD's specific functions is to develop, review and approve programmes, curricula and curriculum support materials that meet international standards for all levels of education, below the University.

In this context, the GoK adopted the Competency Based Curriculum (CBC) which was conceptualised and developed by KICD whose implementation started in 2019 with the Early Years of Education (Pre-Primary school and Lower Primary). The first cohort of CBC learners are currently at Grade 7 of Juniors School. The CBC vision is to produce engaged, empowered and ethical citizens with emphasis on nurturing every learner's potential. The Curriculum aims at developing seven key competencies through various learning areas at all levels. These include: Communication and collaboration, creativity and imagination, critical thinking and problem solving, citizenship, self-efficacy, learning to learn and digital literacy.

In the CBC, one of the learning areas that has been given prominence in the Early Years of learning is Indigenous Language (**IL**) as an important step in nurturing learners' communication and collaborative skills within their social-cultural contexts as provided for in the Kenyan goals of Education. This effort is also in tandem with the Language in Education Policy which stipulates that the medium of instruction in Early Years Education (EYE) should be the learner's first language. Accordingly, KICD has developed a *Learner's Book* and *Teachers' Guide* for Grade 1 learners in a number of indigenous languages in Kenya. The Learner's books are intended to facilitate systematic learning of listening, speaking, reading and writing skills in the target language. The Teachers Guide should be used alongside the learner's book for and is intended to provide a set of methods, techniques, suggested experiences and resources that will facilitate learning and make it interesting for learners at this level.

On behalf of the KICD Council, Management and Staff, I wish to most sincerely thank everyone who contributed to the writing of this Teacher's

Guide in one way or the other. Indeed, the guide is a testament of your invaluable sacrifice. A lot of appreciation also goes to the Development partners who contributed to the funding of the programme that made the writing and distribution process possible; in particular, the World Bank thorough the Kenya Primary Education Equity in Learning Programme (KPEELP. Ultimately, we are very thankful to the Principal Secretary, State Department for Basic Education and the Cabinet Secretary for Education for their invaluable guidance and support to the Institute.

A handwritten signature in blue ink, appearing to read 'Charles Ong'ondo', with a horizontal line underneath the name.

**Prof Charles Ong'ondo PhD., MBS.**  
**DIRECTOR/ CHIEF EXECUTIVE OFFICER**  
**KENYA INSTITUTE OF CURRICULUM DEVELOPMENT**

# **BHURONGORI BHWA KITAMO**

Karikilamu ya mbare ya kiramuko ya arehwa kuimukia katiba ya malosho. Mbare ya kiramuko niyo mbare ya bhana bhadori (EYE) bhenetumia,eneza kusabhura uko ade kacha etonga nayo kana haai,kubhokia gredi ya kubhoka na kukwea. Hena hubho mloshwa aidime kuteta ii mbare bila kugagama. Imwidimisha mloshwa amanye kusikija na kuteta, kusoma na kutama ichi kitamo hamwe na kuteta bhiteto bhirongeke.Kukenjika kwa ichi kitamo kwaidimijwa ni lughenjo lwa bhengi. Haika ha bharongori hena lunyariki lwabho.



**Prof Charles Ong'ondo PHD, MBS**

**DIRECTOR/ CHIEF EXECUTIVE OFFICER**

**KENYA INSTITUTE OF CURRICULUM DEVELOPMENT.**



# Bhira Bhiraterie

|                                       |      |
|---------------------------------------|------|
| FOREWORD .....                        | iii  |
| BHURONGORI BHWA KITAMO.....           | v    |
| KUNGOLA HAIKA .....                   | viii |
| ZIA YA KUTUMIA KITAMO CHA MLOSHA..... | xiii |
| ILOSHA LA KUBHOKA .....               | 1    |
| KAA.....                              | 1    |
| ILOSHA LA KEERI .....                 | 7    |
| SUKULU YANGU .....                    | 7    |
| ILOSHA LA KATATU.....                 | 13   |
| MIKARE YEDI.....                      | 13   |
| ILOSHA LA KAANE .....                 | 21   |
| AFYA .....                            | 21   |
| ILOSHA LA KASANO .....                | 29   |
| IGHERI.....                           | 29   |
| LIST OF CONTRIBUTORS .....            | 41   |

# KUNGOLA HAIKA

Mbare ya kiramku hena ii karikilamu ya arehwa kutalua kila kikundikane na katiba ya isanga letu la mwaka wa 2010, mabharirio ma kiramku. Ibaririo la katandatu, libhonya nganyi na kuareha mvono na mihiro ma mbare yetu.

Mbare ya kiramku ineoka ni ilosha la kila mndu, hena malosha ma bhana bhadongo na wa lioke la kusabhurwa kubhokia giredi ya kaane mtano sukulu ja bhaloshwa bhabaha. Kitamo ichi kimghenja mloshwa hena kusikija na kuteta, kusoma na kutama. Iki kitamo cha mlosha kimghenja, hena kulosha Kitubheta, akitumie hamwe na cha mloshwa nesa aidime kulosha gredi ya kubhoka nezo. Kitamo cha mlosha kinetumika hamwe na cha mloshwa cha gredi ya kubhoka. Kitamo kim'baririe mloshwa aidime kukulosha. Mitumire ya mbare imghenja mloshwa kuidima kumanya bhito bhishaa.

## **Karikilamu ya luidimo**

Mtaala msha wa malosha ni zia jose ejo mloshwa ekundike kumanya hena malosho ma sukulu. Luidimo hena zia jingi ni zia ja kumuinga mndu kuhira ndima jiiinare.

Karikilamu ya luidimo, ioho irangaria kacha hena kindu mlosha eitebelu hena malosha magheri ekoromija malosha makwe.

Karikilamu ya luidimo ioho imuinga mloshwa kuhira ndima jakwe mwenye magheri ma malosha.

Maono ma karikilamu ya luidimo nibhindu bhinaitikijwa ni isanga, hamwe na kubhagera zinya bhaisanga magheri kila kibharirie ni kila mlosha eidima kuhira.

## **Bhila bhyose bhihaririwe kuhirwa hena irika la kubhoka**

Irika la kubhoka lihete giredi 1, 2 na 3 bhaloshwa hena irika ili, bhenaoka na magheshijio mamwe na mihiro ifanane. Naetee hubho, ikundike kuuhia zia jiiinareja kuloshia, kuidimija malosha ma mbare ya kiramku hena giredi ya 1, 2 na 3.

## **Bhindu bhikundike kuareha karikilamu**

Miarehie karikilamu ni kitamo echo kibhonya ni kini kikundikane kuloshwa hena ilosha isiku. Bhindu bhikundikane kuarehia karikilamu bhyabhonyanywa aho si:

- i. Isanga libharirie hena elimu
- ii. Malosha mebhaririwe ma irika
- iii. Bhila bhindu bhihaririwe kufuma na ilosha



- iv. Bhindu bhyose bhikundike bhahirwe hena iloshwa
- v. Bhindu bhitare bhikundike bhahirwe hena ilosha na ilosha idori.
- vi. Kutinda kindu kufuma hena ngoro.
- vii. Ilosha na ilosha idori.
- viii. Bhindu bhinefumia hena malosho uko ade.
- ix. Bhila bhihaririwe kuloshwa
- x. Bhibhujanyo bhya kuturongoria.
- xi. Luidimo lwa mbucha elwo lukundike lunete hena mloshwa.
- xii. Bhindu bhila bhinafumiria bhisibhaririwe na bhundu bhirateriwa.
- xiii. Zia ja kuete malosha medi.
- xiv. Zia ja kuguranya na malosha mengi.
- xv. Ndima ja bhaisanga jigheshijiwe kughenja malosho.
- xvi. Zia ja kurateria ndima ja bhaloshwa.
- xvii. Malosho ma shighati ya idarasa ma kughenja kukulosha.
- xviii. Bhiya bhigeshijiwe bhya kughenja kukuloshia.
- xix. Bhundu bhwa kurateria ndima ya mloshwa.

#### **a) Zia ya kutumia kitamo cha mlosha.**

Ichi Kitamo cha Mlosha kikughenja magheti uareha zia ja kulosha na bhundu ukuendeghanya hena ilosho. Zia ja kurateria bhula bhundu uidima kulosha malosha mane meraterie : kusikija na kuteta, kuteta, kusoma na kutama.

Kitamo cha mlosha kioho kitinda bhundu uidima kukitumia kitamo cha mloshwa hena idarasa. Bhila bhioho bhitindwa ni hamwe na:

- Bhila bhioho hena karikilamu ya luidimo.
- Zia ja kuloshia.
- Zia ja kurateria mlosha.
- Bhindu bhya kughesha mlosha alosha hena kusoma.
- Bhundu bhiingiana na zia ja kitekinolojia.
- Zia jiarehiwe ja kurateria malosha ma kuteta, ma kusoma, na ma kutama hena kila ilosho.

#### **CHA KUBHOKA: ZIA JA KULOSHIA**

Ii mbande ioho itetia wanga ya zia ejo bhalosha bhambare ya kiramku bheidima kuitumia hena kuloshia. Kuteta nicho kikolo cha kuehija mbare. Hena kididi kusikija, na kuteta kunaghenja kuchila nezo. Zia ja kusikija hena hubho jinaareha kikolo cha kuteta, kusoma na kutama.

Nire uinge bhaloshwa ndima ejo jibhainga kusikija na kuteta. Ndima ijo ni sa bhiteto bhina mitetire mmwe, malumbo, kanabhuya, bhiikorojanyo, mashairi, ngano, sekerero ja kukuosha, chila na sekerero ja mbare. Iji ndima jibhainga bhaloshwa bhagure nezo zia ja kusikija na kuteta jiiinare na jina mbucha.

Hena kukumbia, tumia zia ejo jinemuinga mloshwa kuoka na nyami ya malosho. Hena mfano bhaloshwa bhabhikwe hena mbotu ya bhala bheidima kusoma ungwangu ungwangu, magheti ma ilosho la kusoma bhekioka bheeri bheeri.

### **Zia jakuidimija malosha ma mbare ya kiramku.**

Kugura mbare ya kiramku nezo, ikundike mlosha aidime kumanya kila kindu bhaloshwa bhemaie wanga ya ngori ya kuteta bhiloshiwe kubhoka. Mlosha wa mbare ya kiramku nire akutate kungola ngalo ha bhaloshwa kubhonyanya luidimo lwabho hena ngori ya kuteta hena kubhainga ndima mbai mbai ja malosho. Zia ja malosho ja kuidimija mbare ya kiramku na idarasa ni hamwe na:

#### **a.) Bhibhujanyo**

Bhibhonyanyo ni zia ya kubhonya kana kuteta bhindu bhila uhira. Bhaloshwa bhenemyoa mlosha bhundu ebhoka ndima na zia ja kuateria. Bhekakenja kubhonyanya bhaloshwa bheingwa ngalo ya kubhujanya bhibhujanyo kana kungola magheshijio mabho bhesimebhoka iyo ndima. Bhibhujanyo bhighenja kubhika bhindu mwaji, magheshijio na bhila bhindu bhya kulosha. Iii enebhaketa bhaloshwa kuhira ila ndima ikundikane hena zia ya kuanguha hena kumwete mlosha hafuhi na bhula bhundu mbare ioho.

#### **b.) Kughana ngano**

Kughana ngano ni kungola ndumi hena zia shaa. Bhundu kinaoka bhandu bheneoka hamwe magheti ma kubigha ndalibha. Zia jedi ja kughana ngano, nire jitumie hena kughana sa bhiiya bhya kuloshia sa fana na bhiiya bhijenye bhiinare kuhiria. Zia jingi ja kuloshia sa bhibhini, kukoranyika kwa ngori, kukonya kubhetia bhusho na kumomocha bhiidima bhikatumika. Kughana ngano kunaghenja mresikija kusikija vifungu.

#### **c.) kuchila**

Kuchila ni mtinda wa kindeni wanga ya kindu. Hena idarasa la mbare kiramuku,

bhaloshwa bhenakuingija na bhiteto nesa bhatindiane bhula bhenekullosha kila msi na bhatete wanga ya handu na bhila bhindu bhyahirika iki.

**d.) Zia ja bhimbujanyo na ja katalua.**

Magheti tuho tutumia ii zia, bhimbujanyo bhinataluiwa ni bhaloshwa bhose na mlosha. Bhaloshwa bheidima kutumia zia ii, kutisibha kacha bhagura na magheshijio hena ilosho magheti ma kubhoka, bheindie magheti ma kukenjijia. Bhaloshwa bheidima kubhujanya bhimbujanyo na kataluwa.

**e.) Kulunga bhiteto na kusikija**

Ilosho la kulunga bhiteto lioho liyowa ndima ya kusikija na kuteta. Linaghenja bhaloshwa kutwarija zia mbai mbai ja mbare. Kukumbia, bhaloshwa bhena kumanyerija miikare ikundike hena vifungu mbaimbai na niamu kini.

Zia jioho nezo ja kurateria mikare jedi. Mlosha eidima kuareha mitambara bhula bhundu esemba ngalo kana kindu, na atindie bhaloshwa ni amu kini miikare yedi ya kimbare ikundikane.

**f.) Sekerero ja kimbare**

Sekerero nyingi ja kimbare sa kube ghati ya jingi jiidima kutumika kuareha malosha ma mbare ya kiramku kuete ngiseja.

**g.) Kukuosha na kukuita**

Zia ii ighenja bhaloshwa kutwarija bhula bhandu na bhindu bhioho ha ngano sa kitamo. Bhaloshwa bheidima kuhundukia kutinda ngano na kughamba mashairi magheti amo amo, bhabhonyanya bhundu bhekusikie.

**Bhaloshwa bhena bhunana**

Bhaloshwa bhena bhunana bhwa masomo bhekundike kuingwa igheri la kuhira ndima lieza kukela bhaloshwa bhose. Mlosha ikundike atumie zia mbaimbai ja kuloshia nesa kutikana na bhunana bhwa bhaloshwa bhose. Ni chedi kubhainga bhaloshwa bhena bhunana igheri ledi la kusobhoka ngati ya kila ndima. Kumanyeria bhiiya bhya malosha sa kichumbi cha kompiuta na bhiiya bhyakughenja bhya kitekinologia, sa bhiiya bhya kughenja bhesibhona nezo.

## **Zia ja kurateria mloshwa**

### **Zia jiaterie aho si, jiidima kughenja kuateria mloshwa:**

- Kusoma kana kusomiwa na kutama
- Kukuosha iti
- Mlosha aarehe ndima ya kurateria bhaloshwa
- Irika lirateriane bhenye kwa bhenye
- Ndimu ya kuaterija
- Jedwali la kukoranywa
- Mlosha kukuateria mwenye
- Ndimu ya bhaloshwa ioho hena kasafuleti

Zia jiaterie jiidima kutumika hena kurateria ndima ya kila msi na ndima ya tiricho ya mwaka:

- Kurateria hena kuyoa
- Zia jitamiwe ja kurateria
- Kubhainga bhalosha alama kuringana na kila bhahira.
- Bhibhujanyo kufuma ha mtwi
- Bhiiya bhya kuateria ndima ya bhalosha.

### **Zia ja kitekinolojia ja kulosha.**

Zia ja kitekinolojia ni mrunganyiko mbai mbai wa zia ja kiiki ja kukughenja kukulosha mbare. Bhiiya ibhi bhya kitekinolojia bhinaete malosho na kuhira ndima hamwe na kubhainga bhaloshwa bha mbare ndumi ungwangu. Zia mbai mbai ja kitekinolojia jiidima kutumika kughenja malosha ma mbare ya kiramku darasani. Ibhi bhiiya bhya kitekinolojia ni saa, kishangari, kipakatalishi, labutopu na mitanda.

### **Bhiiya bhya kuloshia**

Bhiiya mbai mbai bhya kuloshia, bhiiya bhya kitekinolojia bhiidima kutumika kuanguhija kukulosha mbare ya kiramku na idarasa. Bhiiya ibhyo ni sa: chati, magazeti, labutopu, fana, bhibhuri, majarida na bhiiya bhangi bhiingi. Sabhura bhiiya bhyakuloshia bhila bhiinare kuanguhija kulosha. Ikaoka iti bhiiya bhangi bhya kuloshia hesina, uidima kuonja kiiya kingi kifanane nacho kufuma hala handu uoho. Iii iitangwa kuhiria na bhindu bhioho hafuhi nawe. Ikundikane bhalosha bhatumie bhindu bhioho, bhibhajunguluke bhashighe bha kuzora.

Mlosha ekundike kubhunganya bhiiya bhya kuloshia bhya mbare nyingi na abhibhike

nezo. Mrunganyiko wa bhitamo bhya kusoma uneghenja jose.

Ha mitandao hena video mbai mbai jibhonyesha bhiteto, bhibhini na mashairi ma mbare ja kiramku. Ishirika la Kenya Institute of Curriculum Development lina bhiiya bhibhunganyanye hena zia ja kidijitali kufuma hena mashindano ma Kenya Music Drama Festivals. Ibi bhiiya bhya kidijitali bhiidima kuete makoranyiko hena mbare ya kiramku na idarasa.

Sabhura mitandao iinare na ubhaghenje bhalosha wanga ya bhindu bhila bhinaitikijwa kuringana na tekinolojia.

### **Kuareha ilosha**

Hena lubhoko lwa mwaka na hena tamu, bhona iti una lutiriri lwako lwa malosha ikiateria bhundu malosho meateriane hena miarehio ya karikilamu.

Mifano ya ratiba ya malosho na mpangilio wa kuloshia ioho na kitamo cha mloshwa cha mbare ya kiramku. Lutiriri lwa kuloshia ilosha lunaarehwa magheti igheri lisimefika la kulosha. Ukaketa hubho, kumghenja mlosha kuidima kuoka na igheri la kwenda bhiiya bhila bhikundikane bhya kuloshia magheti ma ilosho. Na uchwe eti ilosho linehirikia nyumbeni kana shighati ya idarasa. Kuongejia amua bhula bhundu idarasa linebhikwa: Bheeri bheeri hena mboto na ghati ya bhangi.

Kaja bhalosha bhekunda kukuarehia hena ilosha bhabhure igheri lisimefika na ubharongorie bhundu ikundikane.

### **ZIA YA KUTUMIA KITAMO CHA MLOSHA.**

Ichi Kitamo cha Mlosa kikughenja magheti uareha zia ja kulosha na bhundu ukuendeghanya hena ilosho. Zia ja kurateria bhula bhundu uidima kulosha mada nne jiaterie ejo ni: kusikija, kuteta, kusoma na kutama.

Kitamo cha mlosa kioho kitinda bhundu uidima kukitumia hena idarasa. Bhila bhioho bhitindwa ni hamwe na:

- Bhila bhyoho hena karikilamu ya luidimo.
- Zia ja kuloshia.
- Zia ja kurateria mlosa.
- Bhindu bhya kughesha bhana malosha hena kusoma.
- Bhundu bhiiingiana na zia ja kitekinolojia.
- Zia jiarehiwe ja kurateria malosha ma kuteta, ma kusoma na ma kutama hena kila ilosho.

# ILOSHA LA KUBHOKA

## KAA

### **Kirongori**

Ilosha ili wanga ya kaa. Mloshwa ekundike kukumbuka nyamao na bhiiya bhya kaa, ngezia na kujitalua. Kusikija na katalua maazerijo mafuhi, hamwe na kukullosha herufi ja bhiteto bhya kihabho.

### **Tiricho ya ilosha ili, mloshwa aidime:**

- a) Kutumia bhiteto bhiinare kukezia na katalua ngezia.
- b) Kukezia bhandu ngezia jibhainare kuringana na igheri, ndima na irika.
- c) Kubhonyanya kuisejwa ni ngezia ja kihabho.

### **Kibhujanyo kighenja kugheshijia hena bhundeni.**

Ni nyamao jiji jinabhikwa kaa?

### **Bhiiya bhibhaririwe kutumika na Ilosha**

Ii mbande ioho itetia wanga ya zia ejo bhalosha bhambare ya kiramku bheidima kuitumia hena kuloshia. Kuteta nicho kikolo cha kuehia mbare. Hena kididi kusikija, na kuteta kunaghenja kuchila nezo. Zia ja kusikija hena hubho jinaareha kikolo cha kuteta, kusoma na kutama. Nire uinge bhaloshwa ndima ejo jibhainga kusikija na kuteta

- a) Kadi jina fana ya bhiiya na nyamao ja kaa.
- b) Chati ya herufi ja bhiteto.
- c) Bhiiya bhijenye bhinapatikania kaa (mtiko, safuria, luko...)
- d) Bhindu bhya kubhumbia ( itondo, m'chu wa ngano...)
- e) Penseli ja rangi.

### **Kukuarehia usimelosha**

Bhonyanya bhula bhaloshwa bheendeleja luidimo wanga ya ili Ilosha.

### **A. SIKIJA NA UTETE**

#### **Ndima ya kubhoka.**

- Mlosha arongoje ilosha na lumbo lwa kimbare lwa ngezia. Bhaloshwa bhabhine.
- Mlosha esoma ngezia magheri bhaloshwa bheyoa fana jibhonyesha ngezia.
- Bhaloshwa bhehundukia ngezia.

## Ndima ya keeri.

- Yoa fana ughambe ngezia.
- Mlosha abhure bhaloshwa bhayoe fana bhaghambe ngezia ja magheri.

## Mataluo

| Ngezia        | Italuo               |
|---------------|----------------------|
| 1. Wakia      | Eetoo.               |
| 2. Jahako     | Jedi.                |
| 3. Washindaze | MBooha yokowe haaya. |
| 4. Kio chedi  | Haika, nawe pia      |

## Ndima ya katatu

### Kutaluana

- Mlosha akwarehire bhuunda eketa bhana bhakeziane kuringana na marika na magheri.
- Ngezia jitikane na irika na igheri na asikije mataluo meinare. Mari bheketa hubhu lukundo lwa Isanga lukufunyira na nganyi hena iji ngezia.
- Sikija mitetire ya bhaloshwa.

### Sa hubhu:

- M'bwange ekezia mndwabho wa kiche
- M'bora ekezia mee
- M'bwange ekezia kokoye

## B. TUTETE

### Ndima ya kubhoka

Yoa fana. Uyoie kuni? Bhinatughenja Ze?

- Mlosha abhonyanye fana ja bhindu bhinaoka kaa.
- Sa: Kikombe, bhui, ibrangeti, meza, kichumbi.
- Bhana bhayoe na bhaghambe mazina ma bhindu bhila bhabhonywa na bhundu bhinatughenja. Bhainge bhaloshwa igheri la kutosha kuteta bheeri bheeri kana na mbotu.

### Ndima ya keeri

Msikije mghenji. Hira bhundu eghamba.

- Mlosha abhure bhaloshwa bhaingane na kutaluana maazerijo bhekioka bheeri bheeri.
- Bhaloshwa bhaingane maazerijo amo bhaingwa na kitamo chabho na kutamayana hena malukamba.
  - 1) Haghia idarasa.
  - 2) Haghujja ideski.
  - 3) Finga lughwi.
  - 4) Arehia bhitamo.

## **C.TUSOME**

### **Ndima ya kubhoka**

Mlosha aoke na bhindu bhila bhinaoka kaa, sa:

- Mtiko
- Luko
- Mwanje

Hamwe na bhingi bhimbumbiwe na itondo, sa:

- Kitwi na msi wakwe
- Mlosha wa kubhoka achungwe mchang'a na abhikiwe kindu cha kubabata na kughamba izina lacho.
- Ngere ya (2) ihundukiwe hundukiwe na bhaloshwa bhengi na bhindu bhingi bhundu mlosha ebhona iti ni dabhu.

### **Ndima ya keeri**

- Aarehia kadi ja fana kana uchue magazeti mena fana ja bhindu na nyamao ja kaa kabla igheri la ilosho. Kadi ndatu ja bhindu na jingi ndatu ja nyamao ja kaa:
- Ng'ombe, Mbuji, Igurubhi
- Bhui, Sahani, meza
- Kadi jibhikwe bhundu bhaloshwa bhesibhona fana.
- Hena malukamba bhana bhapehue kadi na kughamba iti ni fana ya kini ioho na iyo kadi.
- Sikija bhiteto

### **Ndima ya kukumbia**

Mlosha abhure bhaloshwa iti bhekatonga kaa bhabhure bhabhoni kana bha bhabhagenje kutisibha nyamao na bhiiya bhioho kaa.



## **D.TUTAME**

### **Ndimba ya kubhoka**

#### **Kukuarehia kutama**

- Mlosa arongorije bhaloshwa kubhina lumbo lurateriane na herufi.
- Mlosa aazerije bhaloshwa kuyoa herufi hena bhitamo bhyabho.
- Mlosa abhonye bhaloshwa bhundu bhwa kutama na hewa. Yowa mbai ila bhaloshwa bhetamia hena hewa.
- Bhaloshwa bhabhurwe iti bhakete sa bheoho bhejitama na hewa.

#### **Ndimba ya keeri: Kubhumba herufi**

- Mlosa aazerije bhaloshwa kubhumba herufi kutumia kindu sa itondo. (Bhabhumbe bhekioka bheeri bheeri)
- Ni chedi mlosa kubhetia eyoa bhundu bhaloshwa bheoho bhebhumba na kuhira bhundu kiinare.
- Bhekabhumba bhabhonye bhagenji na mlosa nabho bhayoe ja bhaghenji.

#### **Ndimba ya katatu**

- Azerija bhaloshwa bhatame herufi na bhitamo bhyabho.
- Mlosa araterie kubhona iti bhaloshwa bhatama herufi nezo na hena bhuzeri.
- Mlosa aende bhundu eketa esa bhaloshwa bhatete bhekighenjana na magheshijio.

#### **Ndimba ya kaane**

- Mlosa abhonyanye chati ya alfabeti na herufi jibhiriwe rangi.
- Bhaloshwa bhabhurwe iti bhajitame na bhitabu bhyabho na bhajibhire rangi.
- Mlosa araterie kubhona iti bhaloshwa bheobo bhetetiana nezo magheri bhekoranya (bheingana) rangi.

#### **Ndimba ya kasano: Izuja herufi ila ikundikane**

- Mlosa aazerije bhaloshwa kuyoa fana na bhitamo bhyabho.
- Bheidima kulondoliwa kughamba iti ni fana ja bhini.
- Bhaloshwa bhabhurwe iti mazina ma ijo fana metamiwe kake mena mbengo.
- Mlosa abhure bhaloshwa iti bhaizuje kila bengo kutumia herufi iinare.
- Ijo herufi ja kuizujwa jiidima kutamwa handu kake jibighanywe naa jisiraterane.

## Mataluo

1. Abu
2. Ima
3. Sio
4. Igi
5. Heta
6. Loa



# ILOSHA LA KEERI

## SUKULU YANGU

### **Kirongori**

Sukulu yangu ni ghati ya malosho ma Mbare ja Kihetu ma Gredi ya kubhoka. Malosho ma ilosha ili meghabhiwe kaane: Sikija na utete, Utete, Tusome na Tutame. Hena kila ilosha idongo hena ndima jibhalenga bhaloshwa jibhaiseja na kubhalondolia kutisibha nezo kusikija, kuteta, kusoma na kutama.

Kiraterie aha ni maazerijo ma bhundu mlosha eghenja bhaloshwa kukullosha kila ilosha idongo.

### **Tiricho la ilosha ili, mloshwa aidime:**

- a) Kuranga bhiteti bhina silabi mbiiri mbiiri bhirateriana na sukulu.
- b) Kusoma ngori ya kubhoka hena kila kiteto.
- c) Kutama mitambara eyo itongiana na bhiteti bhiranga sukulu.

### **Kibhujanyo kighenja kugheshijia hena bhundeni.**

Unaza sukulu kuketaze?

### **A. SIKIJA NA UTETE**

#### **Bhiiya bhibhaririwe bhya kukulloshia**

- Malumbo.
- Kadi ja silabi.
- Kikapu cha bhiteti.
- Bhiiya bhya kitekinolojia.
- Fana

#### **Zia ja kuyoia luidimo**

- a) kubhona.
- b) katalua bhibhujanyo bhya momo.
- c) Kusikija.

#### **Kiia cha kuyoia luidimo**

- Lutiriri lwa kubhona mihiro mari bhaloshwa bhahira ndima na mbotu kana bheeri bheeri.
- Lutiriri lwa luidimo kutisibha akicha bhaloshwa bhaidima kuteta silabi na bhiteti, kurunganya silabi kuareha bhiteti na kughabha bhiteti hena silabi.

### **Ndima ya kubhoka: Kukuarehia kusikija**

- Mbucha ya ndima ii ni kulosha silabi ejo jinemghenja mloshwa kutisibha nezo bhiteto bhina silabi mbiiri – Ibyho bhiteto bhioke ni wanga ya ‘sukulu yangu.’
- Bhura bhaloshwa bhayoe fana jioho na kitamo chabho. Bhainge ngalo ya kutinda wanga ya ijo fana bhekioka bheeri bheeri. Rateria kubhona iti kila mloshwa eoho echangia ilosho bhundu bhughenja kulondolia kotaluana na kughenjana.

### **Ndima ya keeri**

- Bhekioka bheeri bheeri nesa kulondolia kotaluana na kughenjana.
- Azerija bhana kusoma silabi jioho na malumbo hena malukamba. Kila mmwe ekisikija mghenji kiete kuingana nganyi maari bhehira ndima.

### **Ndima ya katatu**

- Mlosa aghenje bhaloshwa bhekihira bheeri bheeri.
- Azerija bhalosha kuguranya silabi ja malumbo mbare mmwe na kuareha kiteto.
- Bhaloshwa bhasome bhiteto hena malukamba kila mmwe ekisikija mghenji. Bhalondoliwe kuronga handu mghenji ateshanya esa kukumbia kukulosha na kuingana nganyi.

### **Ndima ya kaane**

- Ndima ya mlosa ni kubhaidimija bhaloshwa kukulosha kubhetia kukuchemerija na kubharongorija kunu bhekihira bheeri bheeri.
- Ii ndima imghenja mloshwa kughabha bhiteto na ngori jambho. Mloshwa eidima kughabha bhiteto nezo mati bheengi bhesikija.
- Bhaghenje bhaloshwa kugera lunyariki lwa kubhaghenja bha mbuyaa kulondolia kukulosha.

### **B.TUTETE**

#### **Bhiiya bhibhaririwe bhya kukuloshia**

- a) Kadija bhiteto.
- b) Bhikapu bhya bhiteto.
- c) Bhiiya bhya kitekinolojia.
- d) Fana.

## **Bhigeshijiwe bhya kuyoiya luidimo**

- Bhibhujanyo bhya momo bhitumike kubhaghenja bhaloshwa kubhalosha bheengi.
- Kiiya cha kibhiko cha mihiro ja bhaloshwa mari bheitika maazerijo.

## **Ndima ya kubhoka**

- Bhekioka bheeri bheeri bhaloshwa bharongorijwe kuilabha maazerijo ma bhalosha sa: ikasi sii, tonga na idarasa, haghujua ubao.
- Bhaloshwa bhaazerijiwe kutinda iti ni kini bheinare bhasikije bhalosha. Bhainge igheri bhatete wanga ya ichi kindu ukiyoya bhundu bheoho bhehira na kulondolia kugheshija lubhoro na bhuisanga.

## **Ndima ya keeri**

- Azerija bhaloshwa kuyowa fana na bhitamo bhyabho bhabhure iti mlosha eoho embhura lolio akateze? Sa hubhu; imuka
- Bhaazerije bhundu bhetalua. Azerija bhalosha iti ni kini bheinare kumsikija mlosha. (kubhonyesha nganyi)

## **Ndima ya katatu**

- Bhaloshwa bharongojwe kuyoya fana hena bhitamo bhyabho.
- Bhaghenje kuonja bhiteto bhitikana na maazerijo sa: izo aha, onja kalamu na bhabhure bhambuya bhabho.
- Bharongorije kuazerijana. Inga kila ila mloshwa igheri la kuingija na kuhira maazerijo.

## **C.TUSOME**

### **Bhiiya bhibhaririwe bhya kuloshia**

- a) Kadi ja mazina.
- b) Kikapu cha bhiteto.
- c) Bhiiya bhya kitekinolojia
- d) Fana.

### **Zia ja kuyoiya luidimo**

- Kipimo cha kuyoiya luidimo kupima bhaloshwa magheri bhesoma bhiteto.

## **Ndima ya kubhoka**

- Ndima ihirwe hena mbotu.
- Mlosha abhabhonye bhaloshwa fana hena kitamo cha bhaloshwa na

bhaghambe ngori ya kubhoka hena kiteto sa:  
/m/ hena mpira, /m/ hena m'manga  
/I/ hena Idesiki, /u/ hena ubao

### **Ndima ya Keeri**

- Bhaloshwa bhakupange bheeri bheeri.
- Azerija bhaloshwa kuranga bhindu bhinaoka na sukulu.
- Azerija bhaloshwa kusoma bhieto na fana. Asikije mghenji.
- Bhaloshwa bhatame na kitamo chabho.

### **Ndima Yakukumbia**

Mlosha abhure bhaloshwa bharesomia bhabhoni kana bhareri bhieto ebhyo bhatama.

### **D. TUTAME**

#### **Bhiiya bhibhaririwe bhya kuloshia**

- a) Kadi ja bhieto bhietamiwe nezo na bhieto ibhyo ibhyo bhietamiwe ubhibhi.
- b) Bhikapu bhya mazina.
- c) Bhiiya bhya kitekinolojia.
- d) Fana.

#### **Zia ja kuyoia luidimo**

- Bhaloshwa bhakuloshe kutama nezo na bhabhike sampuli jila jedi hena bhusafuleti.
- Kihundukia mihiro ya luidimo kubhonyanya bhundu bhaloshwa bhaizuja mbengo kana kusoma mitambara sa ibhaririwe.

### **Ndima ya kubhoka**

- Ndima ii yoho ihirwa nesa mlosha akuloshe mitamire yedi esimebhoka kutama na karatasi. Rongorija bhaloshwa kutama bhieto sa ikundikane.
- Yowa mbai ila ila bhana bhoho yowa mati ubhabhonya kutama na ngungu.
- Bhekana Kenja kutama na ngungu, bharongorije kutama bhieto bhila bhila hena bhietamo bhyabho.
- Bhaloshwa bhayowe fana na bhietamo bhyabho.
- Bhekihira ndima bheeri bheeri bhatete wanga ya ijo fana.
- Bhaingwe ngalo ya kughamba iti ni bhieto ani bhietamiwe nezo.
- Hena kutambarua bhieto bhietamiwe nezo hai ubhibhi, bhaloshwa bheoka bhakumbia kukulosha na kuichibhia.

## **Ndima ya keeri**

- Ii ndima ni ya kumghenja mloshwa akumanyerije kutama nezo.
- Azerija bhaloshwa bhundu bheizuja mbengo nezo.
- Bhainge ndima ya kuhira yoho na kitamo chabho.

## **Mataluo**

1. Lugwi.
2. kitamo.
3. darasa.
4. mlosha.
5. choki

## **Ndima ya katatu**

- Soma mitambara cha kubhoka bhaloshwa bhasikije.
- Soma mitambara cha keeri. Bhabhure bhaloshwa bhaitame na bhitamo bhyabho.
- Yowa kaja bhatama bhiteto bhekibhitanya na kutumia herufi jiiinare.
- Mitamire iyoke yedi.
  1. Ichi ni kitamo.
  2. Nina kalamu.
  3. Nioho nitama.
  4. Kambaria ni mbuya wangu.





# ILOSHA LA KATATU

## MIIKARE YEDI

### **Kifuhi**

Si ya ilosha la Miikare Yedi, bhaloshwa bhenehirijwa ndima jiaterane na malosha manne madongo: maghambwa kandu kaane sa hubhu: sikija na utete, tutete, tusome na tutame. Malosho mapangwa kuhirika bhoho bheeri bheeri na mbotu. Ndimba ya mlosha ni kumuidimija mlosha kukullosha kubhetia kukuchemerija na kubharongorija.

Bhaloshwa bhena bhunana bhwa masomo bhokundike kuingwa igheri lieza la kuhira ndima kukela bhaloshwa bhoze. Mlosha arongoje bhaloshwa kukullosha kubhetia bhila bhukuloshie ushii na bhila bhemanterie kuhira kila msi.

### **Tiricho la ili ilosha, mlosha aidime:**

- a) Kuranga bhieto bhikhonyanya miikare yedi.
- b) Kusoma bhieto bhina mazina mebhonya miikare yedi hena magheri mbaimbai.
- c) Kulunga mitambara ibhonya miikare yedi.

### **Kibhujanyo kighenja kugheshijia hena bhundeni.**

Ukabhuka heabho ubhakeziaze bhabhoni na bhareri?

#### **A. SIKIJA NA UTETE ( Ilalo la \_\_ )**

### **Bhiiya bhihaririwe bhya kuloshia.**

- a) Fana.
- b) Chati.
- c) Kiiya cha kuguria ngori.
- d) Mgheni mteta.

### **Zia ja kuyoiya luidimo**

- Bhikhujanyo bhya momo na mataluo.
- Kuhundukia kutinda.
- Mgheni mteta
- Kurekebishwa ni marika.

## **Kiiya cha kuyoiya luidimo**

Bhibhujanyo bhya momo

### **Ndimia ya kubhoka**

- Rongorija bhalosha hena kubhujanya bhibhujanyo wanga ya bhila bhahira bhesimeze sukulu bhirateriane na mihirijiko yedi sa hubhu:
  - Ukinabhukike nabhui heabho, wambhuraze mmbhoni?
  - Wahira kini ukimebhukike iyo?
  - Waingwa kini iyo heabho?
  - Ukinauhie wamburaze?
- Bhura bhaloshwa bhatete wanga ya fana na kitamo cha bhaloshwa. Bhatete bhekiateria kufuma fana ya kubhoka jikiaterana mtano kukenja. Mari eteta na mghenji rateria iti bhasikija nezo.
- Bhaloshwa bheidima bhamuinge m'bora izina lolose la kitubheta.
- Bharange bhila bheoho bhebhona. Bhainge bhasikije bhaghenji bhabho. Iki kighenja kukweja miikare yedi na kusasomboloana.

### **Mataluo**

- M'bora abhukika afuma na lubhohe, otandisha bhui.
- M'bora eoho ekinya majegho.
- Eoho enywa molulu.
- Eoho etonga sukulu.

### **Ndimia ya keeri**

Sikija Lughano

### **Miikare yedi**

- Lughano haulo.
- Aho kae hokie na mghosi Meshili. M'bwange wake ne Merenga.
- Bheoho zieni mghosi akagusha isibo.
- Merenga akalibhushija. Akamwinga.
- Mghosi akaizirihiwa muno.
- Soma lughano wanga ya miikare yedi bhana bhasikije nezo na bhatalue bhibhujanyo na momo.
- Mlosha eidima kutumia kiiya cha kuguria ngori bhana bhasikije.

### **Mataluo**

1. M'bwange ena miikare yedi, mmbwange Merenga na mghosi Meshili.

2. Mghosi Meshili na Merenga.
3. Akalibhushija. Akalimwinga.

### **Ndima ya katatu**

- Hundukia kusoma lughano, bhaloshwa bhasikije nezo. Bheidima kusikija lula luguriwe na kiiya cha ngori.
- Bhatumie bhieto bhyabho kuhundukia kutinda ulu lughano na bhakugure ngori na kiiya cha ngori. Bhekaketa hubhu kunebhainga kukuitora na kugheshijia hena bhundeni.
- Sikija iti bhateta na lumi lwa kimbare, ngori na kukuitora mari bhetinda.

### **Kiiya cha kuyoia luidimo**

#### **BHIBHIJANYO BHYA MOMO**

- Kezia mloshwa. Ekaitikija, muazerije aikasi. Ghamba:
- Mi niitwanga Mlosha Naweriai. Nikundie unitindie wanga ya ulu lughano wasikija. Kubhoka uitangwa ani? (Mloshwa etalua)
- Bhujanya bhijanyo mloshwa atalua na momo:
  1. Aho kae hokie na bhandu abho?
  2. Bheemanyane zee?
  3. Bharange mazina mabho?
  4. Mghosi egushie kini?
  5. Nize mghosi eizihiriwe?

#### **B. TUTETE**

#### **Bhila bhindu bhihaririwe kutumika na ilosha.**

- a) Kadi ja bhieto.
- b) Bhiiya bhya kitekinolojia: kiia cha kuguria ngori.
- c) chati ja mitambara.
- d) Mgheni mteta.
- e) Bhitamo bhya ngano ja bhana.

#### **Zia ja kuyoia luidimo**

- Bhijanyo bhya momo na mataluo.
- Kuhundukia kuteta.
- Kuyowa mihiro ya bhaloshwa.

- Kuareha mitambara.
- Kurekebishwa ni marika.
- mataluano

### **Kiia kuyoia luidimo**

Mlosha abhainge bhalosha ndima fwanda ja kuteta: na mbotu, bheeri bheeri na mmwe mmwe. Bhasikije nezo mati bhaghenji bhabho bheta.

### **Ndima ya kubhoka**

- Bharongorije bhalosha kuteta ishairi na lumi lwa kimbare na ngori.
- Mlosha abhoke kuliteta ishairi kunu bhalosha bhakimsikija.
- Hundukija kuteta, bhamsikije mlosha, bhareterie bhose hamwe, na mbotu na bheeri bheeri.
- Bhainge igheri la kuteta na kuhira.
- Bhaghenje bhala bhena bhunana bhwa kutisibha.

### **Mataluo**

1. Ishairi ni wanga ya miikare yedi.
2. Kuuha bhagheni.
  - Kubhaaghanya mari bheta.
  - Kughamba haika mari niuhia tona.
  - Nishighia mari namhiria mndu itekwa.

### **Ndima ya keeri**

- Mlosha aarehe kadi ja bhito bha miikare yedi kabla ya ilosha. Enda kikapu kana ibokisi elo unejibhikia ijo kadi nesa bhalosha bhapehue.
- Bhabhure bhalosha hena mbotu bhalelane kupehua, kuranga na kuareha mitambara. Bhekapata bhainge alama.
- Bhalosha bhapehue mmwe mmwe kufuma na kila mbotu.
- Mbotu ila ineoka na alama fwanda niyo ineoka yalela.
- Bhana bhahike bhito bha pehua na kubiteta wanga yake na bhusafuleti.

### **Ndima ya katatu**

#### **Bheeri bheeri**

Bhalosha bharengore kuteta wanga ya fana ya sukulu ya Mwangaza. Bhainge bhalosha bhahujanyo bhahonya miikare yedi sukulu sa:

- Sukulu yenyu inaitangwaze?

- Ukatorana na mlosha wako sukulu uketaze?
- Mlosha ekakuinga tona umbhuraze?
- Ukadodola kindu esichako na idarasa ukitika hii?
- Mlosha akafuma shighati ya idarasa mketaze?

## C.TUSOME

### **Bhila bhindu bhibhaririwe kutumika na ilosha.**

- a) Chati ya Ishairi.
- b) Fana.
- c) Kadi ja bhiteto.
- d) kishangara
- e) Bhitamo bhya mashairi ma kitubheta.
- f) Ijedwali

### **Zia ja kuyoa luidimo**

- Bhibhujanyo bhya momo na mataluo.
- Kubhona.
- Kurekebishwa ni marika.
- Kusoma.

### **Kiia cha kuyoa luidimo**

- Bhusafuleti

### **Ndima ya kubhoka**

- Bhalosha bhahire ndima bheeri bheeri. Bhabhujanye ni kini bheyoiye na ijo fana na kitamo cha bhalosha. Bhainge igheri ledi bhatete wanga ya ijo fana.
- Bhasome hena malukamba bhiteto na bhibofu bhekirateria zia jedi ja kusoma. Ii ndima ibhainga kuoka na nganyi na bhuisanga.

### **Mataluo**

Itikija mataluo mala meoho metongiana na fana.

- m'bwange agwa na dumu iruwa kufuma na ikunguro.
- Mghenji wakwe ohomhemberija em'bhura 'hai hai' naye eitikija 'haika'.
- m'bora eikesi na kigari cha kushindikwa eghesha kuingia na idarasa.
- Mghenji wakwe amjughuiya lughwi ekim'bhura 'bhetia'.
- M'bora aitikija 'haika'.

## Ndima ya keeri

- Bhainge bhalosha kadi ja bhiteto bhatete wanga yakwe na bhasome nan gori.
- Bhainge bhaloshwa igheri la kuyoa Ijedwali.
- Mlosha abhabhonye kiteto cha kubhoka sa bhundu cha hirwa.
- Bhainge bhaloshwa kubhitwarija na kujungulushia mistari bhiteto na Ijedwali kufuma na kitamo cha bhalosha.
- Ibhainga kugheshija kibhundeni na hena uaminifu.

## Mataluo

|   |   |   |   |   |   |
|---|---|---|---|---|---|
| h | k | m | h | a | i |
| a | h | a | i | k | a |
| i | k | a | y | a | e |
| k | z | w | f | h | b |
| a | o | r | a | r | t |

## Ndima ya kukumbia

Azerija bhaloshwa kurebhasomia bhareri kana bhabhoni bhiteto bhaloshwa.

## D.TUTAME

### Bhila bhindu bhihaririwe kutumika na ilosha.

- a) Chati ya mitambara.
- b) Kadi ja bhiteto.
- c) Fana.
- d) Bhiiya bhya kitekinolojia.

### Zia ja kuyoia luidimo

- Bhibhujanyo na mataluo ma momo kuyowa kaja bhetisibhe herufi na bhiteto.
- Bhibhujanyo bhiandikwe.
- Kutama
- Kubhona

### Kiiya cha kuyoia luidimo

- Bhusafuleti

## **Ndima ya kubhoka**

- Areha lutiriri lwa bhiteto bhya miikare Inare kabla ya ilosho. Uidima kubhitama na kadi kana chati.
- Bhona bhaloshwa bhatulia na hesina kilonzo chochose. Bhalosha bhaoke na bhiiya bhya kuandikia (kalamu na kitamo).
- Soma ibhi bhiteto bhyose kimwe kimwe bhaloshwa bhakisikija bila kutama.

## **haika, kayae, nakusemba, nishighia, karibu**

- Hundukia kusoma cha keeri kiteto kimwe, kimwe bhaloshwa bheki tama na bhitamo bhabhyo.
- Hundukia kusoma kiteto kimwe kimwe hena igheri la katatu, bhaloshwa bhaarehe hala bhateshanya.
- Yowa kaja bhatama bhiteto bhakibhitanya na kutumia herufi jiiinare.
- Bhatame na mwandiko wedi.

## **Ndima ya keeri**

- Mlosa ahire kibhujanyo cha kubhoka hamwe na bhaloshwa nesa bhatisibhe bhula kihirwa.
- Azerija bhalosha kuizuja mbengo sa bhundu kiinare.

## **Mataluo**

- a) Kayae.
- b) Nakusemba.
- c) Nishighia.
- d) Haika.

## **Ndima ya katatu**

- Mlosa atame hamwe na bhaloshwa mtambara wa kubhoka nesa bhatisibhe na kurateria.
- Bhaazerije bhaloshwa kutama mitambara bhakitumia bhiteto bhya miikare yedi kufuma na kitamo cha bhaloshwa.
- Yowa kaja bhatama bhiteto bhakibhitanya na kutumia herufi jiiinare.
- Bhainge bhaloshwa igheri ledi bhatame na mitamire yedi.

## **Ndima ya kukumbia**

- Bhaloshwa bhatame mitambara hamwe na marika kaa.
- Bhabhabhonye bhabhoni kana bhareri.



**Kiia cha kuyoa luidimo**

**KASAFULETI**



# ILOSHA LA KAANE

## AFYA

### **Kirongori**

Ili ilosha ni wanga ya miikare ya bhuzeri hena bhundu bhwa kulosha bhana. Hena kusikija, bhana bhatishibe miikare ya bhuzeri kubhetia mashairi na malumbo. Hena kuteta, bhana bhenekulosha kuteta na lumi Iwa kitubheta na mitambara ianguhe wanga ya bhuzeri. Kusoma kuneidimija bhana kusoma bhiteto na mitambara wanga ya bhuzeri. Hena kutama bhundu ikundikane, bhaloshwa bhenetama bhiteto wanga ya bhuzeri na bhulabhula kutumia bhiteto ibhyo kuareha mitambara.

### **Kukuarehia usimelosha na kukulosha**

Oka na bhiiya bhya kuloshia na kukulosha nesa bhana bhakuloshe nezo. Kacha ilosho lihirikia na idarasa bhonyanya. Areha handu habhe kukulosha. Kacha hena bhalosha bhena bhunana kuarehie bhundu bheghenjika. Arahehia bhiiya bhiinare kuyoiya ndima ya abha bhaloshwa.

### **Magheshijio makughenja bhaloshwa bhanana**

Hena bhaloshwa bhala bhesibhona nezo bhaikae handu bhekulosha bila kundindiwa kukulosha chochose kila kitamiwe. Na bhala bheemeiwe nikusikia bhabhikwe handu bhenesikia bhyose bhila bhitindwa. Kikabhe bhaingwe bhiiya bhya kukumbia ngori. Gheshijia bhana bhena bhunana bhungi bhobhose na bhundu ubhaghenja hena bhunana bhwabho. Malosho na bhiiya bhyose bhinetumika bhioke nan gori ya wanga. Mlosha agheshijie kutumia zia ,bhiiya na maazerijo matongiane nesa kughenja bhunana bhobhose bhula.

### **Tiricho la ili ilosha, mloshwa aidime:**

- a) Kuranga mihiro ibhonya bhuzeri bhwa mwiri.
- b) Kusoma bhiteto wanga ya bhuzeri bhwa momo.
- c) Kutama bhiteto bhighbonya bhuzeri bhwa mwiri bhunahirwa ukabhuka marekero.

### **Kibhujanyo kighenja kugheshijia hena bhundeni.**

Ni amu kini una kinya majegho ukanabhuka heabho?

## **A.SIKIJA NA UTETE**

### **Bhiiya bhibhaririwe kutumika na ilosha.**

- a) Bhindu bhijenje: kichanuwa, mswaki, kichifu
- b) Fana jibhonyesha bhuzeri.
- c) Kadi jihete bhiteto ebhyo bhenekuloshia.
- d) Kiiya cha ngori.

### **Zia ja kuyoa luidimo**

- Bhibhujanyo bhya momo na mataluo.
- Kuhundukia kutinda
- Kubhina ishairi
- Bhiteto bhiateriana na mihiro

### **Bhiiya bhya kupimia luidimo**

- Lutiriri lwa luidimo
- Lutiriri lwa kubhona mihiro
- Kipimo cha kuyoa luidimo

### **Ndima ya kubhoka**

- Bhujanya bhaloshwa bhibhujanyo bhirateriana na bhuzeri sa hubhu:  
Ukabhuka heabho unahira kini?  
Mataluo matikane na bhuzeri sa bhwa nyumba (kuhaghia, kuhaghuja, kuoja bhiombo) na bhwa mwiri (kukinya majengo, kuoja bhusho, kuchana nyui, kugharusha suke)
- Bhura bhana bhayowe fana na bhitamo bhyabho na bhatete wanga yabho.
- Bhayowe fana na bhaghenji bhabho.
- Bhaloshwa bhaghenjwe bhundu bhetisibha miikare ya bhuzeri yabhonyanywa na iyo fana sa:
  - Kukinya majegho kana kumia.
  - Somia bhana mitambara na bhitamo bhyabho na ubhure bhana bhakuraterie ndekero ere mmwe.

Iyo mitambara niyo ii aha si:

1. Lalaseri eoho ekinya majegho.
2. Samiji eoho eoja maghaza makwe.
3. Mee eoho emuoja maghu.
4. Eoho emia.

5. Ndame ikinda usiambukijwe ifufwa.
  - Mari bhehundukia mitambara, sikija bhatete na ngori ya wanga, lumi lwa kitubheta, bhachindie bhiteto bhundu ikundikane na bila kugagama.

### **Ndima ya keeri**

Somea bhana ishairi na ngori ya wanga kana gura ishairi hena kiiya cha ngori bhasikije.

### **Ishairi**

- Mwana ekabhuka
- Kila msi ekinya majegho
- Majegho masibhoe
- Mwana sukulu
- Ekafuma balia eoja maghaza
- Maghaza mazere.
- Hundukija kusomia bhana ishairi.
- Mlosha aazerije bhaloshwa bhatete hamwe wanga ya bhimbujanyo bhioho na bhitamo bhyabho.
- Mlosha aazerije bhaloshwa katalua bhimbujanyo na momo. Bhatalue bheeri bheeri.
- Mari bhetindia bhundu bhekukinda na bhujaji bhene ghesijia hena bhundeni na katalua.

### **Mataluo mebhaririwe**

1. Enakinya majegho.
2. Enaoja maghaza.
3. Kukukinda na mabhuwaji.
4. Ghesijia mataluo meateriane na bhuzeri sa kukujoja, kuoja maghaza ukafuma balia.

### **Ndima ya katatu**

- Bhana bhaazerijwe kuyowa fana jioho na bhitamo bhyabho.
- Bhana bhatamaiye mihiro iyoho na fana. Magheri bhahira hubho bhahundukie bhundu mlosha eghamba wanga ya fana ijo:
  - 1) Nioho nichanua nyui.
  - 2) Nioho nioja bhusho.
  - 3) Nioho nioja kichifu.
  - 4) Magheri nikoha ninajunga momo.

- Bhaloshwa bheidima kuhira bhekioka hena mbotu kana bheeri bheeri.
- Aazerija bhana ishairs la bhuzeri msi wa bhabhoni sukulu.

### **Kiia cha kuyoa luidimo**

#### **KIPIMO CHA KUYOA LUIDIMO**

**Sukulu:** Sukulu ya mboko Mahoo

**Izina la Mloshwa:** Mazungo Mringie

**Giredi:** Kubhoka

**Isomo:** Kitubheta

**Ilosho:** Kusikija

**Ilosho Idongo:** Ishairi

**Tarehe:** 27/6/2023

| Luidimo (kutisibha, Miikare yedu,ujuzi,kuuhia) Iwa yoiwa  | Igheri lose | Igheri liingi | Kamwekamwe | Hesina |
|---|-------------|---------------|------------|--------|
|   | 4           | 3             | 2          | 1      |
| Kutisibha mihirijiko ja bhuzeri kufuma ha fana na Ishairi |             |               |            |        |
| Kuhundukia mitambara kiinare                              |             |               |            |        |
| Teta iti mloshwa ahiraze.                                 |             |               |            |        |
| Kichaa cha mloshwa _____ Tarehe _____                     |             |               |            |        |
| Izina la mlosha _____ Kichaa _____ Tarehe _____           |             |               |            |        |

### **B.TUTETE**

#### **Bhiya bhibhaririwe kutumika na ilosha**

- Bhiya bhya kijenye sa: Kichanua, Luhaghio, Kichifu.
- Lumbo luteta wanga ya bhuzeri.
- Fana ja bhuzeri.
- Kadi ja bhiteto
- Kiia cha kidijitali kuyoiya fana.

#### **Zia ja kuyoa luidimo**

- Kutalua bhibhujanyo.
- Kubhujanyana bhenye kwa bhenye.

## **Kiia cha kuyoiya luidimo**

- Lutiriri lwa luidimo
- Kipimo cha kuyoa luidimo

## **Ndima ya kubhoka**

- Soma bhieto bhya bhuzeri na bhalosha bhahundukie. Maari behundukia bhaoke belota ijo fana na kitamo cha bhalosha.
- Mari behundukia bhieto, sikija bhate na ngori ya wanga, lumi lwa kitubheta, bhachindie bhieto bhundu ikundikane na bila kugagama.
- Aazerija mlosha bhiiya enetumia na bhula bhinetumika.

## **Ndima ya keeri**

- Bhalosha bhekioka bheeri bheeri bhate wanga ya fana yioho na kitamo chabho.
- Inga kila mbotu ngalo ya kubhona bhundu bhate.
- Bhieto bhitikane hamwe na bhuzeri sa hubhu:  
suke jake jizerie, nyui jake jichaniwe nezo, adoka bhiratu nezo

## **Mataluo**

1. Jizerie
2. Ezerie
3. Kukuoja, gharusha suke jizerie, kushaghasa ifuta, kuchana nyui.  
(Uha mataluo mala meinare)

## **C.TUSOME**

### **Bhiiya bhihaririwe kutumika na ilosha**

- a) Bhindu bhijene sa: mswaki, kichwa ngombe.
- b) Kadi ja bhieto.
- c) Chati ja mitambara.
- d) Fana ibhonyanya mihiro ya bhuzeri.
- e) Bhitamo bhya ngano.
- f) Bhiiya bhya kitekinolojia.

### **Zia ja kuyoa luidimo**

- Kutalua bhijanyo.
- Kubhujanyana bhijanyo bhene kwa bhene.
- Kurateria bhieto na mihiro.

## **Kiiya cha kuyoiya luidimo**

- Lutiriri lwa luidimo
- Kipimo cha kuyoa luidimo

## **Ndima ya kubhoka**

- Mloshwa ayoe fana na amtindie mghenji kila abhona. Inga bhaloshwa igheri la kutindiana sa hubhu:
  - Mbwange oho chwa ngombe
  - Mmbora oho oja maghaza na papake oho aghuja maghaza na kichifu.

## **Ndima ya keeri**

- Aazerija bhaloshwa kusoma ngano hamwe na mbotu na bheeri bheeri.
- Bhaloshwa bhabhurwe bhasome ngano na kitamo chabho na ngori ya wanga. Sikija lumi, kuchindia na bhasigagame. Ghenja hala bhatekwa.
- Bhabhujanye bhibhujanyo wanga ya ngano ya kubhoka:

### **Bhibhujanyo**

1. Ngano ni wanga ya kini?
2. Ngombe jijirare jinatuketaze?
3. Enakunda ngombe jiikeze?

## **Mataluo mebhaririwe**

1. Bhuzeri, kuchwa ngombe.
2. Tubhabhiwe.
3. Ngombe jiizerie.

## **Ngano ya keeri**

### **Bhibhujanyo**

1. Ngano ni wanga ya kini?
2. Ni ani eho eoja maghaza?
3. Mreghana enakunda kini?

## **Mataluo**

1. Tuoje maghaza.
2. Kajewa.
3. Maghaza mezeri

## **D.TUTAME**

### **Bhiiya bhibhaririwe kutumika na Ilosha**

- a) Bhindu bhijenye bhya bhuzeri: kichanua, sabuni, mbombe, kichwa ngombe.
- b) Kadi ja mazina.
- c) Fana.
- d) Chati ja mitambara.

### **Zia ja kuyoa luidimo**

- Kutalua bhibhujanyo na momo.
- Kutama.
- Kubhona bhundu bhetama.

### **Kiia cha kuyoiya luidimo**

- Lutiriri lwa luidimo.
- Kipimo cha kuyoa luidimo.
- Lutiriri lwa kubhona mihiro.

### **Ndima ya kubhoka**

- Bhaloshwa bhaoke bheeri bheeri kutinda wanga ya bhindu bhioho na fana bhula bhundu bhitumika.
- Bhaloshwa bhatame mitambara mifuhi fuhi wanga ya bhundu bhindu ibhyo na fana bhinatumika
- Bhaloshwa bheidima kutama mitambara sa hubhu:
  - Kuoja maghaza na sabuni.
  - Chana nyui na kichanua.
  - Oja maghaza na mbombe izerie.
  - Chwa ngombe na kichwa ngombe.

### **Ndima ya keeri**

- Bhura bhaloshwa bhayoe fana na kitamo chabho. Bhujanya ni kini bheyoiye na bhatindie bhaghenji bhabho.
- Bhura bhalosha bhachore fana sabhundu joho hena kitamo chabho.
- Bhabhire rangi na bhabhonye bhagheji nesa bhabharekebishe.



## **Ndimia ya katatu**

- Azerija bhaloshwa kutama ibho bhiteto na kitamo chabho. Bhatame na mitamire yedi na bhatanye bhiteto.

## **Ndimia ya kukumbia**

Mlosha aazerije bhaloshwa bhabhonye bhabhoni hai bhareri kila bhachora. Bhatete wanga yabhyo.

# ILOSHA LA KASANO

## IGHERI

### Hena kifuhi

- Ili ilosha mno mno ni wanga ya igheri kindu echo, kiinga, bhalosha kukullosha, ngéno ja kusikija, kuteta, kusoma na kuandika kihetu.
- Ng'eno ya kusikija inemwanga mloshwa kuidima kutalua mburi hena kihetu pada, kutalua maazerijo mebhatane na kutumia bhیتو bhiranga igheri na kungola ndumi.
- Ng'eno ya kuteta lurangara wanga ya kuteta bila kugagama eho mloshwa eneranga bhیتو nezo. Bhula bhula bhalosha bheareha mitambara kutumia bhیتو wanga ya igheri. Hena kusoma bhalosha bhenetalua bhībhuanyo hena bhیتو bhianguhe na bhiranga igheri na kutisibha ndumi hena bhیتو bhītamiwe.
- Ng'eno yakutama irenabhika bhana na kuidima kutama bhیتو bhianguhe wanga ya igheri.

### Maazerijo ma mlosha

- Mlosha atisibhe iti aho kae, bhatubheta bhesena ichi kiiya kiitangwa saa. Kake bheokie na zia jingi fanda jakutisibha magheri sa:
- Madeghe na ngurubhi kuiya marekero
- Kuchungua na kuchungia ng'ombe na nguku kubhonyanya hacha kana haaswa
- Kingi ni zano kufumiria kubhonyanya kucha, kubhaa wanga ya mtwi ni kubhonyanya ni hemsī na kuguiya haaswa
- Kibhuri kikaoka kifuhi nikubhonyanya ni hemsī, kieza ni heabho kana chamagheri kuateria handu zano iwaho
- Machua na mididi kuia kubhonyesha mvua yoho hafuhi kuza
- Machichi Kusama na magi mabho na kududa bhīmijo ibhonyesha mvua na mvono
- Bhuta bhwa mvua kufumiria nikubhonyesha kuchika kwa mvua
- Kufuma kwa mweji kabla ya mvua kubigha kubhonyesha kusobheka kwa mvua
- Mti kuhumburua mani mati ma kirangaji.
- Kuoka kwa shindaki kubhonyanyan ni igheri la mvono
- Mlosha asiloshe kusoma saa kake azerije bhalosha ni bhini bhina hirika hena amo magheri

- Arehia bhiiya bhyose bhikundikane kuloshia na kukuloshia ilosha ili kuarehiea bhundu bhana bhekulosha nezo. Kacha heneendika mualike aendewe hena igheri ledi. Ni chedi atisibhe handu ilosho linehirikia (ndani ya idarasa hai shighati). Arehia bhiiya bhiinare bhya kuyoiya ndima ya bhana

**Tiricho la ili ilosha, mloshwa aidime:**

- a) Kubhonya bhiiya bhigheshijia magheri.
- b) Kutara magheri ma msi.
- c) Kumanya mihirijiko na magheri mabho.

**Kibhujanyo kighenja kugheshijia hena bhundeni.**

Unaza sukulu saaijo?

**A. SIKIJA NA UTETE**

**Bhiiya bhibhaririwe kutumika na ilosha**

- a) Fana jibhonya mihiro ja magheri mbaimbai
- b) Kalenda
- c) Saa
- d) Lumbo luateria saa
- e) Mgeni mteta

**Zia ja kuyoa luidimo**

- Bhibhujanyo bhya momo na mataluo.
- Kuhundukia kutinda
- Kubhina ishairi

**Bhiiya bhya kupimia luidimo**

Mlosha aidime kutumia ruburiki kutisibha luidimo la bhana hena sikija na utete sa waazerijwa aho sii.

**Ndima ya kubhoka**

- Bhura bhana bhayoe fana na bhitamo bhyabho.
- Bhaazerije katalua mabhujanyo bheeri bheeri wanga ya igheri.
- Azerija mwana mmwe kughamba iti ni igheri ani , kurateriane na fana.
- Bhibhujanyo bhiaterane na fana sa:
  1. M'bwange ashinjia saa ijo?
  2. Bhana bhadongo bhena fuma sukulu saa ijo?

3. Bhana bhenatonga sukulu saa ijo?
4. Ng'ombe na bhuji jinahunduka ndisheni saa ijo?

### **Mataluo**

Sikija mataluo ma bhaloshwa na uhie mataluo meinare sa hubhu:

1. Ashinjia kio, saa mbiri, saa ndatu.
2. Hemsu, saa sita.
3. Heabho, marekero, saa mmwe.
4. Chamagheri, saa kumi na mmwe, saa kumi na mbiri

### **Ndima ya keeri**

- Bhaloshwa bhahundukie bhundu mlosha eghamba.
- Mlosha abhaghenje bhala bhena masikio meemeiye abhaikaje mbele bhaidime kurateria momo wakwe bhundu utonga, bhiteto bhirateriane na mihirijiko ja mwiri.
- Bhura bhaloshwa bhahundukie ila mitambara ughamba wanga ya fana.
- Gura na kiiya cha ngori bhundu bhehundukia.
- Bhainge bhasikije nesa bharonge hala bhateshanya.
- Rateria kubhona iti bhiteto wanga ya igheri bhioho bhighambwa nezo ni bhaloshwa sa hubhu: saa mmwe heabho, saa saba , saa kumi
- La kutonga sukulu, la kijo cha hemsu, la sekerero.
- Mlosha eidima kukumbia bhiteto bhyakwe bhiranga igheri.
- Lidima kuhirwa sa sekerero eho mbotu mmwezu ighamba bhiteto bhya lubhajo lwa kumoso na bhengi bhaghambe bhiteto bhioho kuume kimalukamba.
- Mlosha asikije lumi,ngori na kuchindia nesa abhaghenje bhala bhena bhunana bhwa kuteta.

### **Ndima ya katatu**

Bhaloshwa bhahundukie bhundu mlosha ebhina. Bhura bhana bhahundukie bhundu ubhina. Iki bhabhine hamwe na mlosha lumbo luoho na kitamo chabho. Abhainge ngalo bhabhine byenye lumbo ulu.

|                    |    |
|--------------------|----|
| Nisikie ighonda    | x2 |
| Ighonda lakwe mama | x2 |
| Iki ni saa sita    | x2 |
| Mlosha kiboha      | x2 |

(Lumbo ulu aha wanga lubhinwe na ngori ya lumbo lwa kishomba lula lughamba:

|                  |    |
|------------------|----|
| Nasikia sauti    | x2 |
| Sauti ya mama    | x2 |
| Sasa ni saa sita | x2 |
| Mwalimu kwaheri  | x2 |

Bheme gura lumbo, mlosha azerije bhalosha kubigha maghaza, kucheza na kubigha ngoma. Eidima kuinga mloshwa arogorie bhaghenji. Hena kuhira hubho bheneoka na kukuitora na nganyi ghati yabho.

## **B.TUTETE**

### **Bhiiya bhibhaririwe kutumika na ilosha**

- a) Fana jibhonyanya limana wanga ya magheri.
- b) Kadi ja bhiteto bhya igheri.
- c) Saa
- d) Mashairi wanga ya magheri
- e) Chati ja bhiteto bhya magheri

### **Ndima ya kubhoka**

- Bhura bhana, bhayoe fana ja mihiro inahirika ghati ya wiki.
- Ukilota fana bhujanya bhalosha iti ni msi ani hena wiki.
- Bhakioka bheeri bheeri bhana bhatete wanga ya fana kutisibha iti ni msi ani?
- Bhana bhaingwe ngalo ya kubhura bhaghenji matamo mabho.
- Bhainge ngalo bhaloshwa bhatindie bhaghenji bhila bhenahira misi sa iyo nesa bhaoke na magheshijio na malungo.
- Sikija bhula bhetalua, na mataluo mabho matikane na igheri.

### **Mataluo**

1. Kanisani ni Jumamosi hai Jumapili.
2. Msikitini ni Ijumaa.
3. Hekalu ni kila msi chamagheri.
4. Sokoni ni Jumatano na Jumamosi.

### **Ndima ya keeri**

- Bhana bhatete wanga ya fana jioho jibhonyesha limana ja magheri mabhonyweshwa.
- Hena kila fana bhujanya bhana bhaghambe kindu echo:

- heyoiye.
- Bhandu bhenahira hena ilo igheri.
- Bhainge ngalo ya kutambarua wanga ya kila bheoho bhebhona na fana.
- Uhia mataluo mose esa bhaloshwa bhaidime kughamba bhiteto bhya igheri ebhyo bhakulosha na ili ilosha.
- Bhainge ngoro bhala bhana bhena soni ya katalua.

### **Mataluo**

2. Ndubhi, mahemba, bhitunguu, mani meritie, miti iomie, teri ngundu
3. Igheri la mvua ni la kuima, kuhanda, kukaghia.

Bhuri ni igheri la kukungubha miteme, kuenda mbombe, kunyosha miteme.

### **Ndimia ya katatu**

- Azerija bhana kubhina ishairi wanga ya igheri. Keta hubhu hena kusoma mtambara mmwe mmwe na kuhundukia kandu kengi bhekihundukia nyuma yako.
- Soma ishairi la igheri elo waingwa.
- Azerija bhana kulibhina bhose, bheeri bheeri, ade mmwe mmwe. Bhana bhabhonya nye mihiro itikane na magheri bhebhina ishairi.
- Bhala bhena bhwaswi bhwa kuteta bhakumbiwe igheri la kubhina ishairi.
- Bhala bhena lumi luanguhe bhekime gure bhaingwe ngalo ya kurongoria bhaghenji. Kibhainga kutisibha hena kukulosha.
- Aazerije bhana bharebhina ilo ishairi hena mikutano ja kighongo.

Mweji wa katatu

Ni ishika

Tunahanda na kukaghia

Mweji wa katandatu

Ni kisie

Tunafuta na kuota moto

## Kiiya cha kuyoa luidimo

| <b>Bhibhonyesho</b>   | <b>Kukelanya kubhe</b>  | <b>Kubhe</b>   | <b>Hafuhi na kubhe</b>  | <b>Si ya kubhe</b>   |
|---|---|--|---|--|
| <b>Kuidima kotalua maazerijo metikane na igheri</b>                           | Ekuitore kotalua maazerijo metikane na igheri                                     | Etalua maazerijo ma igheri   | Na lughenjo etalua maazerijo ma igheri                                    | Etalua maazerijo metikane na igheri kake na bhwaswi                          |
| <b>Kuidima kuonja bhiteti bhakullosha bhya igheri kuazerija na kubhujanya</b> | Ekuitore hena kuonja bhiteti akullosha bhya igheri, hena kuazerija na bhibhujanya | Eonja bhiteti bhya igheri akullosha kuazerija maazerijo na bhibhujanya | Eonja bhiteti bhingi akullosha bhya igheri, hena kuazerija na bhibhujanya | Eonja bhiteti akullosha bhya igheri hena maazerijo na bhibhujanya na bhwaswi |
| <b>Kuidima kuteta bhiteti bhirongeke bhirateriana na igheri</b>               | Bila kugagama eteta bhiteti bhirongeke kuateriana na igheri                       | Eteta bhiteti bhirongeke kuateriana na igheri                          | Eteta bhiteti bhingi bhirongeke kuateriana na igheri                      | Eteta bhiteti bhirongeke kuateriana na igheri kake na bhwaswi                |
| <b>Kuidima kulunga mitambara iateriana na igheri</b>                          | Elunga nezo pada mitambara iateriana na bhiteti bhya igheri                       | Elunga mitambara iateriana na bhiteti bhya igheri                      | Na lughenjo elunga mitambara iateriana na bhiteti bhya igheri             | Elunga mitambara iateriana na bhiteti bhya igheri kake na bhwaswi            |

## C.TUSOME

### Bhiiya bhibhaririwe kutumika na ilosha

- Fana wanga ya igheri.
- Kadi ja bhiteti bhya igheri.
- Bhitamo bhya ngano ja magheri
- Bhiiya bhya kitekinologia

## **Zia ja kuyoiya luidimo**

- Bhibhujanjo bhitamiwe na bhisitamiwe.
- Kuchora na kubhira rangi.

## **Ndima ya kubhoka:** pehua kiteto usome

- Bhana bhapehue kadi na kikapu na bhasome bhundu landikwe. Kadijingi jiidima kuoka ja mieji ya mwaka.
- Bhaloshwa bhasome sa idarasa, mbotu ade mmwe mmwe.
- Sikija iti, bhasome na ngori ya wanga na lumi lwa kimbare na kuchindia.
- Ghenja bhaloshwa bhala bhena bhunana bhakusoma bhainge igheri ledi lo ubharateria.

## **Ndima ya keeri**

Soma mitambara ii.

- Bhana bhasome mitambara hena mbotu ade mmwe mmwe kufuma ha kitamo cha bhaloshwa. Bhona iti bhasoma bhesigagama na kukumbuka kila bhasoma.
- Yoa kacha bhamanya kindu bhasoma kubhetia bhibhujanyo sa:
  - Tuna shinjia saa ani?
  - Tunatonga sukulu saa ani?
  - Tunafindika mahemba igheriani?
- Azerija bhana kusoma mitambara ioho na kitamo cha bhaloshwa.

## **Ndima ya katatu**

Soma lughano.

- Azerija bhana wanga ya kutinda fana jioho na bhitamo bhyabho.
- Bhura bhana bhatete fana jioho na kitamo cha bhaloshwa. Ineoka ni kurongoria ndima ya kusoma eyo iraterie.
- Azerija bhana kusoma lughano. Lughano luidima kubhonyanywa khubetia projekita. Bhaloshwa bhatalue bhibhujanyo bhisitamiwe na bhatame mataluematare.
- Bhana bhatalue bhibhujanyo bhioho na kitamo cha bhaloshwa.
- Aazerija bhana kusoma lughano ha bhabhoni kana bhareri.

## **Mataluo**

1. Ndiwoi (lirangwe kitubheta Ndibhoi)
2. Ishika, mvua mbaha, egheri la kusobhoka kufuma sukulu
3. Jumatano



4. Mweji wa kaane

5. Sikija mataluo na aonje mala merateriana na igheri la mweji wa kaane sa hubhu: kuhanda, kukaghia, kusobhoka kufuma sukulu na kutonga charo.

### **Kiiya cha kuyoa luidimo**

#### **LUTIRIRI LWA LUIDIMO**

**Sukulu:** Sukulu ya mboko Luidimo

**Izina la Mlosha:** Kirote Kabau

**Giredi:** Kubhoka

**Isomo:** Kitubheta

**Ilosho:** Kusoma

**Ilosho Idongo:** Kusoma kwa kutisibha

**Tarehe:** 29/6/2023

| Luidimo (kutisibha, miikare yedi, Ujuzi, kuuhia) Iwa yoiwa (Bhonyanya na mkwaju) |                                     |     |                              |     |                             |     |               |     |   |
|--|-------------------------------------|-----|------------------------------|-----|-----------------------------|-----|---------------|-----|---|
| Izina  | Kutalua bhibhujanyi wanga ya igheri |     | Kusoma na lumi Iwa kitubheta |     | Kuchindia na ngori ya wanga |     | Bila kugagama |     | Kiteto cha Mlosha   |
|  | Ee                                  | Hai | Ee                           | Hai | Ee                          | Hai | Ee            | Hai |   |
| 1. Natibhoi Kangoswe   | √                                   |     |                              | ×   |                             | ×   | √             |     | Atalua bhibhujanyo na asoma bila kugagama kake akutate kusoma na lumi Iwa kitubheta na kuchindia heinare. |
| 2. Sabhatia Karia  |                                     |     |                              |     |                             |     |               |     |   |
| <b>Kichaa cha mlosha:</b>  |                                     |     |                              |     |                             |     |               |     | <b>Tarehe:</b>  |

## D.TUTAME

### Bhiiya bhigheshijiwe

- a) Chati ya alfabeti
- b) Penseli, kitabu
- c) Chati ya fana ya magheri, misi na mwaka
- d) kadi ja herufi
- e) Chati ja mitambara
- f) Bhitamo bhya ngano

### Ndima ya kubhoka

- Mlosha aarehie bhiiya bhyake bhya kuloshia sa kadi ja herufi na silabi, chati ja alfabeti na ja fana kabla ya msi wa ilosha.
- Igheri la ilosha bhainge kadi ja herufi na chati ya alfabeti bhajitwarije.
- Hena mbotu bhaarehe bhiteto bhya magheri kufuma na kadi ja silabi. Bhajitame hena bhitamo bhyabho
- Bhujanya bhana bhibhujanyo ebhyo bhikweja mataluo wanga ya magheri. Ama mataluo maoke ma bhuroti na kukumbuka.
- Azerija bhana bhatete wanga ya ijedwali na ndima ya kubhoka na kitamo cha bhaloshwa.
- Bhaazerije kila mmwe achore ilo ijedwali na kitamo chakwe na ajungulushie msita hena herufi jiraterana jiarehe kiteto cha igheri.

### Mataluo

|           |           |          |          |          |          |          |          |
|-----------|-----------|----------|----------|----------|----------|----------|----------|
| <b>bh</b> | <b>u</b>  | <b>r</b> | <b>i</b> | <b>e</b> | <b>s</b> | <b>u</b> | <b>k</b> |
| <b>u</b>  | <b>i</b>  | <b>s</b> | <b>h</b> | <b>i</b> | <b>k</b> | <b>a</b> | <b>d</b> |
| <b>k</b>  | <b>i</b>  | <b>s</b> | <b>i</b> | <b>e</b> | <b>m</b> | <b>s</b> | <b>j</b> |
| <b>r</b>  | <b>ch</b> | <b>h</b> | <b>e</b> | <b>m</b> | <b>s</b> | <b>i</b> | <b>s</b> |
| <b>j</b>  | <b>o</b>  | <b>h</b> | <b>a</b> | <b>p</b> | <b>u</b> | <b>t</b> | <b>i</b> |
| <b>s</b>  | <b>u</b>  | <b>m</b> | <b>e</b> | <b>s</b> | <b>u</b> | <b>s</b> | <b>e</b> |

## **Ndima ya keeri**

- Azerija bhana kuyowa mitambara wanga ya igheri kufuma na kitamo cha bhaloshwa.
- Talua kibhujanyo cha kubhoka. Sabhura kiteto kiinare kukenjijia mtambara. Tama uo mtambara na ubao bhana bhabhone bhundu waketa.
- Kila mmwezu agheshijie bhundu eizuja na asibhujanye mghenji.
- Bhainge igheri ledi bhaizuje mbengo na bhitamo bhyabho-bhekitumia bhiteto bhaingwa na kitamo cha bhaloshwa.

## **Mataluo**

- 1) Sumesu
- 2) Puti
- 3) Kisie
- 4) Hemsi
- 5) Bhuri

## **Ndima ya katatu**

- Hundukia bhiteto bhila bhemekullosha hene ilosha ilisa zia mmwe ya kukuarehia kutama. Bhaoke na bhindu bhya kutamia sa kalamu, bhitamo na bhifuti bhakumbushwe kuikasi nezo.
- Somea bhana hena ngori ya wanga mitambana wanga ya igheri. Soma bhoha bhoha nesa bhana bhatame hena bhitamo bhyabho.

Mitambaro yakusomia bhaloshwa:

- 1) Tunaza sukulu heabho.
- 2) Ishika ni vua ndeeza.
- 3) Ijumaa tukweja bendera
- 4) Disemba ni sukukuu.

## **Ndima ya kukumbia**

- Bhaazerija bhaloshwa bhemefike kaa, bhareghenjwa ni habhure bhana bhekatonga kaa bhareghenjwa ni bhabhoni kana bhareri, kuareha mitambara kubhokia kuarehia mteme, kuhanda, kukaghia, kubaa na kududa.
- Kuketa hubho nikumwidimisha mloshwa kutumia bhiiya bhya kitekenologia.

## **Kiia cha kuyoa Luidimo**

Mlosha aidime kutumia lutiriri lwa luidimo kuyoa kuidima kwa mloshwa wanga ya kutama. Atumie bhibhonyesho sa ibhi:

### **Bhibhonyesho**

- Kutama bhiteto bhibhonya magheri
- Kutumia bhiteto bhya igheri kubhonya ndima mbaimbai ja magheri

## LIST OF CONTRIBUTORS

1. Prof. Elishiba Kimani – (chairperson of KICD council),
2. Jacqueline Onyango – (KICD), OGW
3. Eunice Gachoka – (KICD).
4. Winrose Rono – Kenya Institute of Curriculum Development.
5. Jonathan maranya – Kenya Institute of Curriculum Development.
6. Anthony Maina Mbutu – Kenya Institute of Curriculum Development.
7. Charity Makau – Kenya Institute of Curriculum Development.
8. Jacinta Kalumu – Kenya Institute of Curriculum Development.
9. Constance Mukhule – Kwale Teachers Training College.
10. Mr. Daniel K. Mbaso – Bible Translation and Literacy- Taveta. (BTL)
11. Mr. Nimrod Kitoshe – Retired Teacher.
12. Constance Mukhule – Kwale Teacher’s Training College.
13. Lydia Sabatia – Uthiru Junior Secondary School.
14. Marium Metion – Mahoo Girls’ Secondary School.
15. Cynthia Njuguna – Illustrator